



ევროკავშირი
საქართველოსთვის
The European Union for Georgia



ოქსფამის კონკურსი საუკეთესო აკადემიური ესესთვის გენდერულ ჭრილში სასურსათო უსაფრთხოებისა და მცირე მეურნეების მხარდაჭერის შესახებ

ოქსფამის საქართველოს წარმომადგენლობა აცხადებს ესეების კონკურსს საქართველოში აკრედიტებული უმაღლესი სასწავლებლების სტუდენტებისთვის. კონკურსის მიზანია, სტუდენტებმა შექმნან ნაშრომი, რომელიც, ახალი ხედვების, წინადადებებისა და ინოვაციური იდეების საფუძველზე, მცირე ფერმერების გაძლიერების გზით, არსებული სასურსათო უსაფრთხოების საკითხების მოგვარებას შეეცდება. განსაკუთრებული აქცენტი კი გაკეთდება ქალებზე, რომლებიც სოფლის მოსახლეობის 54 %-ს წარმოადგენენ.

ოქსფამის საქართველოს წარმომადგენლობისთვის მნიშვნელოვანია წარმოდგენილი ესეები [სასურსათო უსაფრთხოების ვებ-გვერდზე ხელმისაწვდომი კვლევითი მასალის](#) გააზრებულ და ლოგიკურ ანალიზზე იყოს დაფუძნებული. სტუდენტებმა 5 გვერდიანი ნაშრომით უნდა წარმოაჩინონ ინოვაციური იდეები და რეკომენდაციები იმის შესახებ, თუ როგორ უნდა გაუმჯობესდეს ქვეყანაში სასურსათო უსაფრთხოების პოლიტიკა და გაიზარდოს ადგილობრივი წარმოება მცირე მეურნეების (600,000 მცირე ფერმერი) გაძლიერების გზით.

გადაწყვეტილების მიმღები პირებისთვის ძალიან მნიშვნელოვანია ყველა რისკისა და სხვადასხვა რეალობის გათვალისწინება და ისეთი გრძელვადიანი სტრატეგიის შემუშავება, რომელიც სასურსათო უსაფრთხოებასაც მოიცავს. ასევე მნიშვნელოვანი ასპექტია საზოგადოებრივი ინვესტიციების გათვალისწინებაც. ასეთი ინვესტიციები აძლიერებენ იმ მცირე მეურნეების პოზიციას, რომლებიც ქვეყნის მოსახლეობის ნახევარს წარმოადგენენ და სასურსათო უსაფრთხოების გაძლიერებაში დიდ როლს თამაშობენ.

აგრარული, ეკონომიკური ფაქულტეტების სტუდენტებსა თუ გენდერის ახალგაზრდა მკვლევარებს საშუალება აქვთ, გახდნენ სასურსათო უსაფრთხოების ჩემპიონები და დააკვირდნენ გადაწყვეტილებების მიღების პროცესს, უზრუნველყონ მთავრობა იმ იდეებითა თუ პროექტებით, რომლებიც მცირე მეურნეებისა და ადგილობრივი წარმოების მხარდაჭერას ეფუძნება.

სამი საუკეთესო სტუდენტური ნამუშევრის ავტორებს გადაეცემათ ფულადი ჯილდო 1,000 ლარის ოდენობით.

საქართველო

დაჯილდოვდება ნამუშევარი, რომელიც ჩამოთვლილი თემატიკიდან ერთ-ერთს შეეხება:

1. არის თუ არა სასოფლო-სამეურნეო კოოპერატივები უმნიშვნელოვანესი საქართველოში მცირე მეურნეების განვითარებისთვის?

- a. როგორ შეიძლება, რომ კოოპერატივების შედეგად, სოფლის მეურნეობის პროდუქტიულობა და მცირე მეურნეების შემოსავალი გაიზარდოს? რატომ ფიქრობთ, რომ მცირე მეურნეთა გაძლიერება მნიშვნელოვანია ქვეყნის სასურსათო უსაფრთხოებისთვის?*
- b. რა როლს თამაშობს ამაში მთავრობა? როგორია მცირე მეურნეების ზოგადი დამოკიდებულება კოოპერატივების მიმართ? რატომ არის კოოპერატივებისთვის გენდერული კუთხით მგრძობიარე პოლიტიკის გატარება მნიშვნელოვანი?*
- c. კოოპერატივებში ქალი მეურნეები თანაბრად არიან წარმოდგენილი? როგორ ხედავთ ქალ ფერმერთა როლს/წვლილს სოფლის მეურნეობის სისტემის განვითარებაში? რა კონკრეტული ბარიერების წინაშე დგებიან ქალბატონები?*

2. ვაჭრობის ლიბერალიზაცია - საფრთხე თუ შანსი საქართველოს მცირე მეურნეებისთვის?

- a. არიან მცირე მეურნეები მზად იმისთვის, რომ თავიანთი პროდუქტით, ადგილობრივ თუ საერთაშორისო ბაზარზე, სხვებს კონკურენცია გაუწიონ? როგორია დღეს არსებული სიტუაცია?*
- b. რა მექანიზმები უნდა გამოიყენოს სახელმწიფომ იმისთვის, რომ ადგილობრივმა მწარმოებლებმა თავიანთი პროდუქციის მარკეტირება და კონკურენციის გაწევა შეძლონ თავისუფალი სავაჭრო სივრცის პირობებში? რატომ უნდა იყოს სახელმწიფოს ინტერვენცია გენდერული კუთხით მგრძობიარე?*
- c. რა უნდა გააკეთონ ადგილობრივმა მწარმოებლებმა ადგილობრივ თუ საერთაშორისო ბაზარზე კონკურენტუნარიანობის ასამაღლებლად?*

3. სოფლის მეურნეობაში ჩართული სოფლის მოსახლეობის 54 პროცენტს ქალები წარმოადგენენ. თუმცა, ისინი კვლავ მარგინალიზებულ ჯგუფს ეკუთვნიან და უძლურებას განიცდიან. თქვენს ესეში, გთხოვთ, წარმოაჩინოთ თქვენი ხედვა იმის შესახებ, თუ როგორ შეიძლება გაიზარდოს ქალთა ეკონომიკური მონაწილეობა და მათი ჩართვა გადაწყვეტილების მიღების პროცესში:

- a. გამოკვეთეთ ყველა შესაძლო გენდერული ბარიერი, რომლებიც აფერხებენ ქალების გაძლიერებას;*
- b. კურლტურული სტერეოტიპების გარდა, გთხოვთ, წარმოადგინოთ თქვენი ხედვა, თუ რა ტიპის წვლილი უნდა შეიტანოს ხელისუფლებამ ქალების ეკონომიკურ*

გადლიერებაში (გენდერული ნიშნით გაცემული სასოფლო-სამეურნეო სესხები, მექანიზაციაზე ხელმისაწვდომობა, ცოდნის ხელმისაწვდომობა...);

- c. წარმოდგინოთ თქვენი იდეები იმის შესახებ, თუ როგორ შეიძლება წახალისდეს ადგილობრივი მთავრობები და კერძო ბიზნესები იმ კუთხით, რომ მათ ქალების ეკონომიკური მონაწილეობის მხარდასაჭერად ითანამშრომლონ.

შეფასების ძირითადი კრიტერიუმები

1. **ოქსფამის კვლევების ანალიზი** : ყველა ზემოთაღნიშნული თემა ეფუძნება ოქსფამის საქართველოს წარმომადგენლობის მიერ ჩატარებულ ბოლო კვლევებს, რომლებიც განხორციელდა 4 წლიანი კამპანიის „ეროვნული სასურსათო უსაფრთხოების სტრატეგიის სრულყოფად მცირე ფერმერების მხარდაჭერას ამხრეთკავკასიაში“ ფარგლებში. მონაწილეები თავისუფალი არიან გამოიყენონ ოქსფამის კვლევების გარდა სხვა არსებული მასალებიც.
2. **ორიგინალობა**: იდეის ან მისი მნიშვნელობის, თემის, შესრულების, ინიციატივისა და ესეში წარმოდგენილი მასალის ორიგინალობა.
3. **წერის სტილი და თხრობის სიზუსტე**: დეტალები, რომლებიც მკითხველს აინტერესებს, პასუხობს მის შეკითხვებს. ესე არ უნდა აღემატებოდეს 5 გვერდს და დაწერილი უნდა იყოს მშობლიურ ენაზე.

კონკურსში მონაწილეობის ძირითადი წესები და პირობები

1. კონკურსის მონაწილე უნდა იყოს მინიმუმ 18 წლის და, ამავედროულად, საქართველოს ან სომხეთის აკრედიტებული უმაღლესი სასწავლებლის სტუდენტი.
2. საკონკურსო ესე, მოკლე ბიოგრაფიასთან ერთად, უნდა გამოიგზავნოს ელ-ფოსტაზე: TRevazishvili@oxfam.org.uk ნამუშევრის წარდგენის ბოლო ვადამდე, 15 ივნისამდე.
3. საკონკურსო ნამუშევრები შეფასდება 15-30 ივნისის პერიოდში.
4. დაჯილდოების ცერემონია გაიმართება ივლისში, ქალაქ თბილისში. დეტალური განრიგი თითოეულ მონაწილეს ინდივიდუალურად მიეწოდება.
5. გამარჯვებულები მიიღებენ ფულად ჯილდოს 1,000 ლარის ოდენობით, საბანკო გადარიცხვის სახით.
6. საუკეთესო ნამუშევრები გამოქვეყნდება სასურსათო უსაფრთხოების ვებ-გვერდზე: www.foodsecuritysc.com

ქიურის შემადგენლობაში იქნებიან სოფლის მეურნეობის სამინისტროს, ოქსფამის საქართველოს წარმომადგენლობის, „საქართველოს სოფლის მეურნეობისა და სასოფლო განვითარების ალიანსის“ (GAARD) და მისი წევრი „ქართველ ფერმერთა ასოციაციის“ მაღალკვალიფიციური წარმომადგენლები. ოქსფამის საქართველოს

წარმომადგენლობა უფლებას იტოვებს, არ გაამხილოს ჟიურის წევრების ვინაობა
დაჯილდოების ცერემონიამდე.